



**AMBASADA/ VELEPOSLANSTVO BOSNE I HERCEGOVINE U OTAVI**  
**АМБАСАДА БОСНЕ И ХЕРЦЕГОВИНЕ У ОТАВИ**  
**EMBASSY OF BOSNIA AND HERZEGOVINA IN OTTAWA**  
**AMBASSADE DE BOSNIE ET HERZEGOVINE À OTTAWA**

## **PRESJEK DIPLOMATSKIH AKTIVNOSTI AMBASADORA U 2024. GODINI**

Nakon dolaska u Otavu i preuzimanja dužnosti, 24. novembra 2023. godine, pa do predaje akreditiva, 20. februara 2024. godine, novoimenovani ambasador Aleksandar Bogdanić se bavio administrativno-tehničkim poslovima u Ambasadi. Pored toga, bavio se i administrativnim pitanjima i obavio je nekoliko sastanaka u Ministarstvu inostranih poslova Kanade. Osim prisustva na pojedinim prijemima, poput novogodišnjeg prijema na poziv ministrice inostranih poslova Mélanie Joly, „u prisustvu premijera Kanade Justina Trudeaua“ i prijema povodom Dana državnosti Republike Srbije, 15. februara, do predaje akreditivnih pisama generalnoj guvernerki Kanade Mary May Simon, 20. februara 2024. godine, i preuzimanja funkcije izvanrednog i opunomoćenog ambasadora Bosne i Hercegovine u Kanadi, ambasador Aleksandar Bogdanić nije obavljao druge zvanične susrete i posjete.

U periodu od 1. marta do 30. juna, ambasador je uglavnom obavljao nastupne posjete, te prisustvovao pojedinim prijemima i skupovima i održavao sastanke u ambasadi Bosne i Hercegovine i drugim ambasadama i službama. Iako su ovo, po prirodi, kurtoazne posjete, najvažnije poruke i sadržaj sastanaka u toku nastupnih posjeta ambasadora Bogdanića bili su, između ostalog, utemeljeni na miroljubivoj i prijateljskoj spoljnoj politici Bosne i Hercegovine, poštovanju državnog suvereniteta, nezavisnosti i teritorijalnog integriteta i međunarodnog prava, kao i interesa Bosne i Hercegovine u razvoju još aktivnijih bilateralnih odnosa u ekonomskim, društvenim, kulturnim, obrazovnim i drugim oblastima. Kod ambasadora zemalja članica Evropske unije, ambasador je posebno naglašavao usaglašenu politiku, namjeru i interes Bosne i Hercegovine za članstvom u Evropskoj uniji, što su sagovornici podržali i obećali pomoć Bosni i Hercegovini na tom putu.

Prvi zvanični susret Aleksandar Bogdanić je imao 29. februara 2024. godine, u nastupnoj posjeti sa tadašnjim doajenom diplomatskog kora u Otavi, Nj. E. Ermalom Mućom, ambasadorom Republike Albanije, koji je protekao u srdačnoj i prijateljskoj atmosferi. U martu je ambasador Bogdanić obavio šesnaest nastupnih posjeta. Na početku, 1. marta 2024. godine, ambasador je posjetio otpravnika poslova Republike Kube, Danyja Tur de la Concepcion, kao i Nj. E. Sylviu Meier-Kajbic, ambasadorku Republike Austrije. Potom se, 4. marta, susreo sa Nj. E. Agronom Budjakuom, ambasadorom Sjeverne Makedonije, a 5. marta sa ambasadorom Republike Srbije, Nj. E. Dejanom Ralevićem. Nj. E. Sanjay Kumar Verma, visokog komesara Republike Indije, ambasador je posjetio 6. marta, a 7. marta bio je u ambasadi Rumunije i razgovarao sa ambasadorom Nj. E. Bogdanom Manoiuom. Sa doajenom zemalja Latinske Amerike, Nj. E. Romy Vasquez Morales, ambasadorkom Republike Paname, ambasador se susreo 11. marta, kada je posjetio i ambasadu Republike Češke i razgovarao sa Nj. E. ambasadorom Martinom Tlapom.

Ambasadu Sjedinjenih Američkih Država ambasador je posjetio 19. marta i razgovarao sa Nj. E. ambasadorom Davidom Louisom Cohenom, koji je izrazio dobrodošlicu i podršku ambasadoru Bogdaniću u radu. Narednog dana, 20. marta, ambasador Aleksandar Bogdanić je posjetio ambasade Meksika i Kine i upoznao se sa ambasadorima Nj. E. Carlosom



**AMBASADA/ VELEPOSLANSTVO BOSNE I HERCEGOVINE U OTAVI**  
**АМБАСАДА БОСНЕ И ХЕРЦЕГОВИНЕ У ОТАВИ**  
**EMBASSY OF BOSNIA AND HERZEGOVINA IN OTTAWA**  
**AMBASSADE DE BOSNIE ET HERZEGOVINE À OTTAWA**

Emmanuel Joaquínom Gonzalezom i Nj. E. Cong Peiwuom. Sa ambasadorom Japana, Nj. E. Kanjijem Yamanouchijem, ambasador Bogdanić je razgovarao 21. marta, kada se susreo i sa vršiocem dužnosti visokog komesara Republike Kipar, Antoniosom Lemesianosom. Narednog dana, 22. marta, ambasador je posjetio Ambasadu Savezne Republike Njemačke i razgovarao sa Nj. E. ambasadorom Sabine Anne Sparwasser. Nj. E. Noureddina Sidi Abeda, ambasadora Alžira, ambasador Bogdanić je posjetio u njegovoj rezidenciji 25. marta. Sa ambasadorom Republike Hrvatske, Nj. E. Vicom Skračićem, ambasador Bogdanić se sastao 26. marta u hrvatskoj ambasadi.

U toku radnih diplomatskih aktivnosti u martu 2024. godine, ambasador Bogdanić se, između ostalog, 6. marta susreo i sa parlamentarnim sekretarom ministricе inostranih poslova Kanade M. Joly, Robom Oliphantom, na njegov zahtjev. Rob Oliphant je izrazio spremnost i želju za saradnjom sa ambasadorom Bogdanićem u vezi s njegovim radom u Kanadi i na pitanjima od zajedničkog interesa. Ambasador Bogdanić se zahvalio na podršci koju Kanada pruža Bosni i Hercegovini u okviru Vijeća za implementaciju mira i na putu ka članstvu u Evropskoj uniji. Sagovornici su razgovarali i o viznom režimu Kanade za bosanskohercegovačke državljane, mogućnostima ponovnog otvaranja Ambasade Kanade u Sarajevu, kao i drugim bilateralnim pitanjima. Na iste teme, kao i o mogućoj budućoj posjeti Sarajevu delegacije parlamentarnog sekretara, ambasador je razgovarao sa g. Matthewom Trnkusom, višim savjetnikom ministarke inostranih poslova M. Joly u ambasadi Bosne i Hercegovine 22. marta. Komemoraciji povodom smrti bivšeg premijera Kanade, Briana Mulroneya, ambasador je prisustvovao 19. marta. Ambasador je bio i na prijemu frankofonskih zemalja koje je organizovalo Ministarstvo inostranih poslova Kanade 20. marta.

Ambasador Bogdanić je 2. aprila u bugarskoj ambasadi posjetio Nj. E. Plamena Georgieva, ambasadora Republike Bugarske u Kanadi. Narednog dana, 3. aprila, ambasador je posjetio zdanje ambasade Republike Francuske u Otavi i razgovarao sa Nj. E. ambasadorom Michelom Mirailletom. Istog dana se sastao i sa Nj. E. Ahmedom Abdallahom Ibrahimom Hafezom, ambasadorom Egipta. Ambasadu Kraljevine Danske ambasador Bogdanić posjetio je 4. aprila gdje ga je dočekala Nj. E. ambasadorka Hanne Fugl Eskjaer. Istog dana, 4. aprila, ambasador je bio u posjeti i ambasadi Kraljevine Španije i u srdačnoj atmosferi razgovarao sa Nj. E. Alfredom Martinezom Serranom. Narednog dana, 5. aprila, ambasador se susreo sa Nj. E. Eamonnom McKeeom, ambasadorom Republike Irske, a 9. aprila sa Nj. E. Esrom Demir, ambasadorom Republike Turske. Nj. E. Andrej Gregor Rode je 12. aprila dočekaо ambasadora Bogdanića u ambasadi Republike Slovenije. Ambasadoru Kraljevine Nizozemske, Nj. E. Goverdinu Christinu Coppoolse, ambasador je posjetio 15. aprila u njenoj rezidenciji.

Istog dana, 15. aprila, novoimenovani ambasador Republike Kube, Nj. E. Rodrigo Malmierca Díaz, došao je u nastupnu posjetu ambasadoru Bogdaniću u Ambasadi BiH u Otavi. Narednog dana, 16. aprila, ambasador Bogdanić posjetio je finskog ambasadora, Nj. E. Jarija Pekka Olavi Viléna. Sa Nj. E. Susannah Clare Goshko, visokom komesarkom Velike Britanije, ambasador Bogdanić se susreo 16. aprila u njenoj rezidenciji. Nastupnu posjetu ambasadoru Brazila, Nj. E. Carlosu Albertu Franco Françu, ambasador je obavio 19. aprila. Nj. E. Ekaterinu Demakis, ambasador Bogdanić je posjetio u ambasadi Republike Grčke 22. aprila. Ambasadu



**AMBASADA/ VELEPOSLANSTVO BOSNE I HERCEGOVINE U OTAVI**  
**АМБАСАДА БОСНЕ И ХЕРЦЕГОВИНЕ У ОТАВИ**  
**EMBASSY OF BOSNIA AND HERZEGOVINA IN OTTAWA**  
**AMBASSADE DE BOSNIE ET HERZEGOVINE À OTTAWA**

Republike Slovačke ambasador je posjetio 24. aprila i razgovarao sa Nj. E. ambasadorom Vierom Grigovom. Narednog dana, 25. aprila, ambasador je bio u posjeti Ambasadi Kraljevine Saudijske Arabije i susreo se sa Nj. E. ambasadorom Amal Yahya Almoalimi. Sa Nj. E. Antoniom Leao Rocha, ambasadorom Portugalije, ambasador se sastao u Ambasadi Portugalije 26. aprila. U ambasadi Iraka, ambasadora je 29. aprila dočekaio Nj. E. ambasador Abdulrahman Hamid Mohammed Al-Hussaini. U rezidenciji nuncija Svete Stolice, Nj. E. Ivan Jurković primio je ambasadora 30. aprila. U aprilu je ambasador Aleksandar Bogdanić, između ostalog, bio na večernjem prijemu povodom Nacionalnog dana Republike Grčke (9. aprila), a 10. aprila bio je gost Nj. E. Amal Yahya Almoalimi, ambasadorke Kraljevine Saudijske Arabije, na večeri povodom ramazanskog Bajrama (Eid-Al-Fitr).

Ambasador Aleksandar Bogdanić je 8. aprila posjetio i Univerzitet u Otavi i razgovarao sa Rektorom Jacquesom Frémontom. Na ovom sastanku se ambasador upoznao sa radom Univerziteta u Otavi, a rektora Frémonta je upoznao sa visokim školstvom u Bosni i Hercegovini. Na sastanku je razgovarano, između ostalog, i o različitim modelima potencijalne saradnje između univerziteta u BiH i Univerziteta u Otavi. Iz istog razloga ambasador je posjetio i Univerzitet Carlton 10. aprila i, u razgovoru sa rektorom Jerryjem Tomberlinom, upoznao se sa ovim univerzitetom i mogućnostima akademske saradnje. Ambasador je obavio još nekoliko sastanaka sa profesorima sa pojedinih katedri oba pomenuta univerziteta.

Posjetu Nj. E. Olafu Andreasu Kjelsenu, ambasadoru Švajcarske, ambasador Bogdanić je obavio 3. maja. Ambasadora Republike Tunis, Nj. E. Lassaada Boutara, ambasador Bogdanić je posjetio 6. maja, a narednog dana, 7. maja, ambasador je razgovarao sa Nj. E. Signe Fenja Burgstaller, ambasadorom Kraljevine Švedske u njenoj rezidenciji. Visoki komesar Islamske Republike Pakistan, Nj. E. Zaheer Aslam Janjua, primio je ambasadora Bogdanića u nastupnoj posjeti 8. maja, a narednog dana, 9. maja, ambasador je bio u nastupnoj posjeti kod italijanskog ambasadora, Nj. E. Andrea Ferrarija.

Istog dana, 9. maja, novoimenovani ambasador Kanade u Mađarskoj i nerezidentni ambasador Kanade u Bosni i Hercegovini Nj. E. François Lafrenière i ambasador Aleksandar Bogdanić održali su sastanak u Ambasadi BiH u Otavi. Na ovom sastanku razgovarano je o bilateralnoj saradnji dvije zemlje, viznom režimu, pomoći Kanade u implementaciji Opšteg okvirnog sporazuma za mir u Bosni i Hercegovini, kao i ponovnom otvaranju ambasade Kanade u Bosni i Hercegovini. Nj. E. Melita Gabrić, ambasadorka Evropske unije u Otavi, dočekala je ambasadora Bogdanića u nastupnoj posjeti 10. maja. U toku posjete je razgovarano o bosansko-hercegovačkom statusu kandidata i ispunjavanju uslova BiH za punopravno članstvo u Evropskoj uniji. Ambasadu Republike Mađarske ambasador je posjetio 21. maja i razgovarao sa Nj. E. ambasadorom Máriom Evom Vass-Salazar. Na poziv ambasadora Slovenije, ambasador Bogdanić je 30. maja prisustvovao prijemu povodom Dana državnosti Republike Slovenije.

Ambasador Bogdanić je, na poziv kanadskih privrednika porijeklom iz BiH, 11. maja posjetio Oakville i Toronto i održao nekoliko sastanaka na temu saradnje i investicija uspješnih privrednika u Kanadi u pojedinim privrednim granama u Bosni i Hercegovini. Tokom ove posjete Torontu i okolini, razgovarano je o potrebama dijaspore u Kanadi i radu ambasade u Otavi. Ambasador je u svim razgovorima isticao da u radu dijaspore uvijek treba



**AMBASADA/ VELEPOSLANSTVO BOSNE I HERCEGOVINE U OTAVI**  
**АМБАСАДА БОСНЕ И ХЕРЦЕГОВИНЕ У ОТАВИ**  
**EMBASSY OF BOSNIA AND HERZEGOVINA IN OTTAWA**  
**AMBASSADE DE BOSNIE ET HERZEGOVINE À OTTAWA**

stavljati naglasak na ono što doseljenike i građane Bosne i Hercegovine spaja i povezuje. Pozvao je naše građane i privrednike na saradnju sa ustanovama, privrednim društvima i građanima u Bosni i Hercegovini i ponudio pomoć u povezivanju zainteresovanih za kulturnu, ekonomsku i akademsku saradnju.

Na poziv dr T. Kotar, profesorice političkih nauka na Univerzitetu u Otavi, ambasador Aleksandar Bogdanić je 15. maja održao predavanje studentima na predmetu Bezbjednosne politike na temu kulturološkog miljea i javnog diskursa u Bosni i Hercegovini. Nakon predavanja ambasador je odgovarao na brojna pitanja studenata.

Ambasador je 4. juna bio na prijemu za Dan državnosti Republike Italije. Na poziv Nj. E. Melite Gabrič, ambasadorke Evropske unije, ambasador Bogdanić je 7. juna prisustvovao i radnom sastanku pod nazivom „Priatelji Ukrajine“ koji je organizovala ambasada Evropske unije u rezidenciji ambasadora EU. Tema sastanka bila je pomoć Ukrajini u pronalasku pravednog mirovnog rješenja, posebno u svjetlu Mirovnog skupa u odmaralištu Burgenstock u Švajcarskoj 15-16. juna 2024. godine. Na poziv Nj. E. Vice Skračića, ambasador Bogdanić je 10. juna prisustvovao prijemu povodom Dana državnosti Republike Hrvatske, a 13. juna na prijemu američkog ambasadora u njegovoj rezidenciji. Od aktivnosti u junu, može se izdvojiti i nastupna posjeta Nj. E. Witoldu Mirosławu Dzielskom, ambasadoru Poljske, 18. juna, kao i učestvovanje na prijemima povodom Dana Kanade, 30. juna i 1. jula, u prostorijama Ministarstva inostranih poslova Kanade.

Ambasador Bogdanić je prisustvovao prijemu povodom Dana nezavisnosti SAD, na poziv Nj. E. Davida Cohena, u njegovoj rezidenciji 4. jula 2024. godine. Na poziv Nj. E. Ahmeda Abdallaha Ibrahima Hafeza, ambasadora Egipta, ambasador Bogdanić je bio i na prijemu povodom Dana državnosti Egipta 22. jula.

U avgustu je ambasador, između ostalog, imao radni sastanak sa šefom protokola Ministarstva inostranih poslova Kanade, Sébastienom Carrièreom, tokom kog su razmijenjena tekuća pitanja iz protokola Ministarstva. Ambasador se zahvalio g. Carrièreu na saradnji i podršci koju protokol pruža radu Ambasade BiH u Otavi.

Tokom mjeseca septembra, za vrijeme godišnjeg odmora, ambasador je održao niz sastanaka u Ministarstvu inostranih poslova BiH u Sarajevu, gdje je pomoćnike ministra i druge sagovornike upoznao sa svojim radom i aktuelnim pitanjima u radu Ambasade BiH u Otavi, pojedinim netačnim podacima koji su se u medijima iznosili o radu Ambasade i o kojima je ambasador obavijestio Ministarstvo 17. jula, kao i o potrebi ispunjavanja neophodnih kadrovskih i materijalno-tehničkih uslova za rad Ambasade i obavljanje diplomatskih aktivnosti i konzularnih usluga.

Na poziv njegovog visokog preosveštenstva, Arhiepiskopa torontskog i Mitropolita kanadskog, Mitrofana, ambasador Bogdanić je 6. oktobra bio gost na obilježavanju 70. godišnjice Crkveno-školske opštine i Srpske pravoslavne crkve Svetog Save u Torontu. Na ovom događaju Ambasador je održao i pozdravnu riječ u kojoj se, između ostalog, zahvalio Njegovoj Svetosti Patrijarhu srpskom Porfiriju na dolasku u Kanadu, kao i na pomoći SPC građanima BiH pogođenim nedavnim poplavama. Tokom boravka u Torontu, ambasador je održao i nekoliko sastanaka sa privrednicima južnog Ontarija porijeklom iz BiH, kao i predstavnicima i aktivistima dijaspore. Na ovim sastancima je razgovarano o mogućnostima



**AMBASADA/ VELEPOSLANSTVO BOSNE I HERCEGOVINE U OTAVI**  
**АМБАСАДА БОСНЕ И ХЕРЦЕГОВИНЕ У ОТАВИ**  
**EMBASSY OF BOSNIA AND HERZEGOVINA IN OTTAWA**  
**AMBASSADE DE BOSNIE ET HERZEGOVINE À OTTAWA**

ulaganja u BiH, načinima na koje dijaspora može aktivnije da se uključi u privredni i kulturni život u BiH, kao i o uslugama koje Ambasada BiH u Otavi pruža našim građanima.

Ambasador Bogdanić je 16. oktobra primio u posjetu i održao sastanak sa ambasadorom Republike Kube, Nj. E. Rodrigom Díazom, na kom je kubanski ambasador predao ambasadoru Bogdaniću i notu o dodjeli agremana Predsjednika Republike Kube Nj. E. Miguela Marija Díaz-Canela Bermúdeza za Aleksandra Bogdanića kao izvanrednog i opunomoćenog ambasadora Bosne i Hercegovine u Kubi. Ambasador Díaz se osvrnuo na tradicionalno dobre odnose Republike Kube i Bosne i Hercegovine, a oba ambasadora su izrazili želju za njihovim unapređenjem. Na kraju sastanka ambasador Díaz je pozvao ambasadora Bogdanića da dođe na prijem u Ambasadu Kube povodom Dana kubanske kulture 23. oktobra.

Tokom svojih aktivnosti saradnje sa akademskom zajednicom Kanade, ambasador Bogdanić je 28. oktobra 2024. godine na Univerzitetu u Otavi održao predavanje na temu multietničnog komuniciranja u Bosni i Hercegovini u svjetlu tematskog okvira predmeta „Identitet i inkluzivnost u medijima i komuniciranju“. U toku predavanja studenti su se, između ostalog, upoznali sa različitim aspektima društvenog komuniciranja u Bosni i Hercegovini, izazovima javnog komuniciranja u multietničkom društvu, kao i pojedinim teorijskim pristupima koji ih rasvjetljuju. Ambasador je sa studentima razgovarao i o tome kako je biti ambasador i o ulozi diplomatije u interkulturalnom komuniciranju.

Na poziv Parlamenta Kanade, ambasador Bogdanić je 30. oktobra bio gost na diplomatskom prijemu Raymonde Gagné, predsjednice Senata, i Grega Fergusa, predsjednika Donjeg doma kanadskog parlamenta, a u obilasku oba doma Parlamenta upoznao se sa istorijom, sastavom i načinom izbora i rada Senata i Predstavničkog doma.

Povodom tragedije na željezničkoj stanici u Novom Sadu, ambasador Bogdanić je 2. novembra 2024. godine posjetio Ambasadu Republike Srbije u Otavi i upisao se u knjigu žalosti, nakog čega je kratko razgovarao sa Nj. E. Dejanom Ralevićem i osobljem srpske ambasade.

U okviru saradnje sa akademskom zajednicom, ambasador Bogdanić je 11. novembra održao predavanje studentima istorije i političkih nauka na Univerzitetu Carlton u Otavi na predmetu „Tranzicija na Balkanu“ na temu javnog diskursa i interkulturalnog komuniciranja u Bosni i Hercegovini i paralelama sa Kanadom.

Na poziv g. Arnolda McLeana, šefa protokola Grada Otave, ambasador Bogdanić je 19. novembra s g. McLeanom održao radni sastanak u prostorijama Grada Otave.

Novoimenovani visoki komesar Republike Kipar u Kanadi, Nj. E. Stavros Hatzayiannis, bio je 20. novembra u nastupnoj posjeti u Ambasadi BiH. Nakon što je ambasador Bogdanić izrazio dobrodošlicu novoimenovanom ambasadoru, ambasadori su potvrdili dobre i srdačne odnose između dvije zemlje i razgovarali o podršci koju Republika Kipar može da pruži BiH u toku sticanja članstva u EU, kao i o mogućoj kandidaturi Republike Kipar za predsjedavajućeg Organizacije za evropsku bezbjednost i saradnju.

Na poziv Parlamenta Kanade za učešće na 70. zasjedanju godišnje parlamentarne skupštine NATO-a, ambasador Aleksandar Bogdanić je boravio u Montrealu od 22. do 25. novembra 2024. godine. U toku zasjedanja ambasador je učestvovao na više sastanaka i panela. Na marginama zasjedanja, ambasador je razgovarao i sa više ambasadora i



**AMBASADA/ VELEPOSLANSTVO BOSNE I HERCEGOVINE U OTAVI  
АМБАСАДА БОСНЕ И ХЕРЦЕГОВИНЕ У ОТАВИ  
EMBASSY OF BOSNIA AND HERZEGOVINA IN OTTAWA  
AMBASSADE DE BOSNIE ET HERZEGOVINE À OTTAWA**

predstavnik delegacija parlamentarne skupštine NATO-a. Ambasador se susreo i sa članovima delegacije bosansko-hercegovačke Parlamentarne skupštine i zaželio im dobrodošlicu i uspješan rad. U srdačnom razgovoru sa g. Kemalom Ademovićem, drugim zamjenikom predsjedavajućeg Doma naroda Parlamentarne skupštine BiH i predsjedavajućim delegacije, razmijenjena su mišljenja o ulozi bosansko-hercegovačke diplomatije. Ambasador Bogdanić je, između ostalog, informisao g. Ademovića o radu Ambasade BiH u Kanadi.

Na poziv Nj. E. Artemis Malo, ambasadorke Republike Albanije, ambasador Bogdanić je prisustvovao svečanoj ceremoniji podizanja albanske zastave, na 112. godišnjicu nezavisnosti Albanije 28. 11. 2024. godine ispred zgrade Grada Otave.

Ambasador je 9. decembra 2024. godine prisustvovao i novogodišnjem prijemu za šefove diplomatskih predstavništava na poziv ministrice inostranih poslova Mélanie Joly, u prisustvu premijera Kanade Justina Trudeaua.

Tokom 2024. godine, ambasador Bogdanić je obavio preko pedeset nastupnih posjeta i prisustvovao brojnim sastancima, susretima, prijemima, predavanjima i drugim događajima. Napisao je veliki broj diplomatskih nota, govora, pisama, akata Ambasade i drugih dokumenata. Upoznao se sa pojedinim važnim aspektima rada u DKP, radom kanadske vlade, MIP i Parlamenta, kao i sa brojnim predstavnicima diplomatskog kora, lokalne zajednice, dijaspole i akademske zajednice u Kanadi. Ambasador je kroz pomenute aktivnosti stvorio osnovu i okvir za dalji diplomatski rad i saradnju sa svim značajnim akterima i stakeholderima u okruženju u kome djeluje Ambasada.